

O finacadan no Pangcah

1. Masa'opo aca ko kaciloma' no Pangcah, cai ho kalakelak ko kaciloma'an, saka tata'ta'ang ko pisaniyaro', 'aloman aca ko finawlan,
2. sahaca adihay tata'ang ko kalo lisilisin, itini saca i piilisinin no kasaniyaro' a ma'araw ko faco no niyaro' no Pangcah a finacadan.
3. O rocek no tamdaw no Pangcah i 201,679 to ko tamdaw (minkok 104 a mihecaan).
4. O "Pangcah" kami saan ko masa'Amisay a finacadan, ira ko "tamdaw" o "cecayay a finacadan" o sanay,
5. i tini i Posong i, i sa'amisan no Pioma ko Pangcah a moko, saka o "Amis" ta han no Piwma, inana 'amis sanay i,
6. o i sa'amisay a finacaday o sanay, irikor to i, ira to ko mikingkiway a kitado sato a milenak, itinitini sato ko fana' no tamdamdaw ao Pangcah saan.

7. Pakayni i kongko a kimad no to'as i, o lalengawan no Pangcah i, ira kia o "nisanga'an hananay a kongko" ato "namalenakay a rayray saan a ratoh",
8. o no i 'amisan a Pangcah i, o nisofofan no kawakawas saan, nikaorira o i timolay a Pangcah i, o masadakay nani fokeloh saan ko kimad a kongko.
9. O sa'alomanay a finacadan ko Pangcah, i nowalian no takaraway a lotok i Taiwan, i satimolan a enar no Lio a tarawadaw,
10. marenaf i sakowan no Kalinko ato Posong, sahaca ira ko i Hito. dadahal ko nika ropisak no Pangcah, ano pakaynien iray a pinangan no 'orip ato kakawaw i,
11. papecih saan a o no'amisan a pnagcah, o itenokay a pnagcah (o i salalomaay no Kalinko ato Posong a masaenaray a 'etal ato tangasa i sawalian a pariyar), i notimolan a Pangcah hananay i,
12. o salaloma'ay no Posong ato Hito a Pangcah, matini ko nikalatoloay a 'etal.